

STATUTI
I SHOQËRISË ME PËRGJEGJËSI TË
KUFIZUAR "TIRANA DENT" Sh.p.k.

Sot me datë 01.07.2020, Partnerët Themelues:

1. Z. Bruno Maxhelaku, I lindur në Tiranë në datë 15.11.1994 dhe banues në adresën: Rr. Isa Boletini Nr 31, Tiranë i identifikuar me ID nr. 031920882, lëshuar në datë 30.08.2012, person madhor dhe me zotësi të plotë juridike për të vepruar (Ortak I vetëm).

Në vijim do të konsiderohet ortak i vetëm, bazuar në vullnetin e tij të lirë dhe në përputhje me Ligjin Nr.9109, datë 17.7.2003. i ndryshuar, ka vendosur të nënshkruajë Statutin e mëposhtëm të një shoqërie me përgjegjësi të kufizuar, aktiviteti I së cilës rregullohet nga legjislacioni shqiptar në fuqi dhe nga ky statut.

KAPITULLI I

Neni 1- themelimi, Forma dhe Ortakët

- 1.1 Ortakët e vetëm të Shoqërisë kanë vendosur të krijojnë një shoqëri me përgjegjësi të kufizuar emërtimi I së cilës do të jetë "TIRANA DENT" shpk.
- 1.2 Shoqëria "TIRANA DENT" shpk është krijuar si një Shoqëri me përgjegjësi të kufizuar.
- 1.3 Shoqëria do të funksionojë sipas legjislacionit shqiptar.
- 1.4 Statuti është në përputhje me legjislacionin shqiptar që ka karakter të detyrueshëm, ndërsa çështjet që nuk janë shprehimisht të parashikuara në të, plotësohen nga legjislacioni shqiptar.

Neni 2- Emërtimi

- 2.1 Emërtimi I shoqërisë është "TIRANA DENT" sh.p.k

Neni 3- Objekti I Shoqërisë

3.1 Objekti I shoqërisë përfshin çdo veprimtari të lejuar nga ligji ose pjesmarrjen në çdo veprimtari apo aktivitet të ligjshëm që mund të kryejë një shoqëri me përgjegjësi të kufizuar e krijuar në bazë të legjislacionit Shqiptar.

3.2 Më konkretisht por pa u kufizuar në to shoqëria ka për object:

- Oferta mbi dhëmbët
- Oferta mbi implantet dentare
- Oferta mbi turizmin dentar

3.3 Si dhe çdo aktivitet shërbimi të parashikuar nga ligji.

3.4 Objekti I Shoqërisë mund të ndryshohet ose shtohet në përputhje me dispozitat ligjore.



3.5 Për realizimin e qëllimit të mësipërm shoqëria ka të drejtë:

- T'ju besojë të tretëve pjesë të punimeve të produkteve apo shërbimeve të saj.
- Të përfundojë kontrata agjensie me ose pa përfaqësim, me qëllim që të promovojë për llogari të palës tjetër ose të promovohet nga pala tjetër për llogari të saj, aktivitetet dhe prodhimet e mësipërme, duke përfshirë të gjitha aktivitetet e ndërmjetësimit të çfarëdo fushe;

Neni 4- Selia

4.1 Selia e Shoqërisë është: Sheshi Jozef San Martin nr 3, Hyrja 2, Kati 2, Njesia Bashkiake nr 5, Tiranë.

4.2 Transferimi I selisë së shoqërisë në një vend tjetër bëhet me vendimin e Asamblesë së ortakëve me shumicë të kualifikuar.

4.3 Asambleja e ortakëve me shumicë të kualifikuar mund të vendosë hapjen e filialeve, degëve dhe përfaqësive të shoqërisë në qytete të tjera të Shqipërisë si dhe jashtë saj.

Neni 5- Kohëzgjatja

5.1 Kohëzgjatja e veprimtarisë së shoqërisë do të jetë **pa afat**.

5.2 Shoqëria mund të priset përpara këtij afati ose mund të zgjasë kohëzgjatjen e saj me vendim të Asmblesë së Ortakëve me shumicë të kualifikuar.

Neni 6 – Përgjegjësia

6.1 Shoqëria nuk përgjigjet për detyrimet e marra për qëllime që nuk përputhen me ato të përcaktuara nga Statuti dhe Akti I Themelimit.

6.2 Shoqëria nuk përgjigjet për detyrimet e marra nga ortakët në emër të tyre personal ndaj personave fizikë ose juridikë, privatë ose shtetëror.

KAPITULLI II

KAPITALI THEMELTAR, KONTRIBUTET, NDARJA E KUOTAVE TË KAPITALIT.

Neni 7- Kapitali themeltar

7.1 Kapitali themeltar I shoqërisë është 1 (një) kuota, e gjitha e nënshtuar me vlerë nominale 100 000 (njëqindmijë) lekë.

Neni 8- Kontributet

8.1 Kontributi në kapitalin e shoqërisë është ofruar si më poshte:

1. Z.Bruno Maxhelaku, I lindur në Tiranë në datë 15.11.1994 dhe banues në adresën: Rr. Isa Boletini Nr 31, Tiranë i identifikuar me ID nr. 031920882, lëshuar në datë 30.08.2012, person madhor dhe me zotësi të plotë juridike për të vepruar ka ofruar një kontribut në



para të barabartë me 100 000 (njëqindmijë) lekë, duke depozituar një vlerë të njënjtë pranë Bankës “BKT” (Banka Kombëtare Tregtare), Shqipëri, në llogarinë e shoqërisë.

8.2 Sipas kontributeve të mësipërme:

- **Ortakët Z.Bruno Maxhelaku**, I përket 1 (një) kuotë, që I korrespondojnë 100% (njëqind përqind) të kapitalit të shoqërisë.

Neni 9 – Rritja e kapitalit themeltar

9.1 Kapitali themeltar mund të rritet pa kufi, në çdo moment, një apo disa herë, me vendim të Asamblesë së Shoqërisë, marrë me shumicë të kualifikuar.

9.2 Në rast të rritjes së kapitalit, kuotat e ortakëve të Shoqërisë do të rriten sipas shumave të përcaktuara në vendimin e asamblesë.

Neni 10 – Zvogëlimi I kapitalit themeltar

10.1 Shoqëria mund të zvogëlojë kapitalin themeltar me vendimin e Asamblesë së Shoqërisë me shumicë të kualifikuar. Në çdo rast kapitali themeltar nuk mund të zvogëlohet nën kufijtë e parashikuar nga ligji.

10.2 Zvogëlimi I kapitalit përballohet nga secili prej ortakëve sipas shumave të përcaktuar në vendimin e asamblesë.

Neni 11 – Transferimi I kuotave të kapitalit dhe e drejta e parablerjes

11.1 Kuotat e kapitalit nuk janë lehtësisht të transferueshme ndërmjet ortakëve ose tek të tretët. Transferimi I kuotave, në çdo lloj forme, do të autorizohet me vendim të Asamblesë së Shoqërisë, me shumicë të kualifikuar.

11.2 Në rast transferimi të kuotave të kapitalit, në çdo lloj forme, ortaku që do të çedojë kuotat e tij (“Ortaku Çedues”), plotësisht ose pjesërisht, duhet ti ofrojë kuotat e tij fillimisht tek ortakët e tjerë.

11.3 Ortaku Çedues, në rast se kjo kërkohet nga shumica e cilësuar e ortakëve të tjerë, duhet të kërkojë që çmimi I kuotave që ka vendosur të çedojë të përcaktohet nga një arbitër (“në vijim arbitri”). Për këtë qëllim Ortaku Çedues do të dërgojë një njoftim (në vijim “Njoftimi”) ortakëve të tjerë, me letër rekomande me kthim përgjigjje, me anë të të cilit komunikon synimin për shitjen e kuotave dhe fton ortakët e tjerë për të zgjedhur tre kandidatë për tu emëruar si arbitër. Kandidatët do të zgjidhen nga sektori banker dhe/ose institute apo studio konsulence financiare me reputacion të lartë dhe nuk duhet të jenë partner të asnjë prej ortakëve ose shoqërive kontrolluese dhe/ose të lidhura. Ortakët duhet ti komunikojnë Ortakut Çedues emrat e kandidatëve të zgjedhur Brenda 30 (tridhjetë) ditëve nga data e Njoftimit, ndërsa Ortaku Çedues do të komunikojë ortakëve të tjerë dhe për dijeni administratorit, ermin e kandidatit që ka zgjedhur si Arbitër, brenda 10 ditëve pasuese, nëse ortakët e tjerë nuk kanë



kryer kounikimin e emrave të kandidatëve për arbitër brenda afatit si më lart, Ortaku Çedues do të zgjedhë Arbitrin nga sektori banker dhe/ose institute apo studio konsulence financiare me repitacion të lartë, duke noftuar kështu personin e zgjedhur si Arbitër dhe Administratorin e Shoqërisë.

11.4 Arbitri do të përcaktojë çmimin e kuotave sipas nenit 11.2 brenda 30 (tridhjetë) ditëve nga njoftimi sipas nenit 11.3, ose afat tjetër duke konsideruar, midis të tjerave, pasurinë e shoqërisë, parashikimet për të ardhurat dhe vlerën e tregut. Përcaktimi I Arbitrit do të njoftohet Administratorit dhe gjithë ortakëve.

11.5 Me caktimin e çmimit për shitjen e kuotave nga Arbitri dhe nëse Ortaku Çedues dëshiron akoma ti shesë ato, ortakët e tjerë kanë të drejtën e parablerjes sipas çmimit të përcaktuar nga Arbitri dhe për këtë duhet të njoftojnë Ortakun Çedues me letër rekomandë me kthim përgjigjje brenda 30 (tridhjetë) ditëve nga marrja e njoftimit për çmimin për çmimin e përcaktuar nga arbitri. Në rast se ata nuk përgjigjen në afatin e caktuar, Ortaku Çedues do të transferojë kuotat në favor të të tretëve me çmim jo më të vogël nga çmimi I përcaktuar nga Arbitri.

11.6 Transferimi I kuotave në favor të të tretëve I nënshtrohet miratimit të ortakëve të tjerë. Ortaku Çedues do të njoftojë paraprakisht ortakët e tjerë me letër rekomandë me kthim përgjigjje në lidhje me transferimin e kutoave tek të tretët, duke treguar në njoftim emrin e blerësit dhe çmimin e shitjes. Ortakët e tjerë do të komunikojnë miratimin e tyre ose arsyet për mosmiratimin e transferimit të kuotave tek personi I tretë brenda 15(pesëmbëdhjetë) ditëve nga njoftimi I parë. Miratimi nuk do të jepet nëse personi I tretë nuk do të ofrojë garanci për përmbushjen e detyrimeve të tij në shoqëri dhe/ose nëse pjesëmarrja e të tretit nuk është në interes të shoqërisë dhe/ose të ortakëve të tjerë.

11.7 Në rast të transferimit të kuotave të kapitalit për shkak trashëgimie *mortis causa*, ortakët e tjerë kanë të drejtë të shprehin pëlqimin e tyre për ortakët e rinj. Nëse ortakët e shoqërisë, me shumicë absolute, nuk japin pëlqimin e tyre, do të aplikohen normat si më lart.

KAPITULLI III

ASAMBLEJA, ADMINISTRATORËT DHE EKSPERTI KONTABËL.

Neni 12- Asambleja e ortakëve dhe kompetencat e saj

12.1 Organi vendim-marrës I Shoqërisë është Asambleja e Ortakëve.

12.2 Vendimet e Asamblesë së Shoqërisë, për të cilat kërkohet një shumicë e thjeshtë, janë të vlefshme nëse janë të pranishëm në mbledhje ortakët që përfaqësojnë më shumë se 50% (pesëdhjet për qind) të të gjithë kapitalit themeltar dhe asambleja do të vendosi me votën e ortakëve që përfaqësojnë më shumë se 50% (pesëdhjet për qind) të kapitalit themeltar.

12.3 Nëse Asambleja nuk mund të mbledhet për shkak të mungesës se kuorumit të përmendur në nenin 12.2 të këtij statute, Asambleja do të mbledhet përsëri jo më vonë se 30 ditë, cilido qoftë numri I ortakëve të pranishëm dhe do të vendosi me votën e shumicës së ortakëve të



pranishëm, përveçemërimit dhe shkarkimit të administratorit. Në këtë rast do të zbatohen dispozitat e nenit 12.2.

12.4 Vendimet e Asamblese se Shoqërisë, për të cilat kërkohet një shumicë e kualifikuar janë të vlefshme nëse, sin ë mbledhjen e parë ashtu edhe në mbledhjen e dytë, janë të pranishëm ortakët që përfaqësojnë të paktën $\frac{3}{4}$ (tre të katërtat) e kapitalit themeltar.

Neni 13 – E drejta e pjesëmarrjes

13.1 Çdo ortak ka të drejtë të marrë pjesë në Asamble, të paraqesë vendimin e tij dhe të japë aq vota sa është numri I kapitalit të kuotave që ai zotëron.

13.2 Çdo ortak ka të drejtë të përfaqësohet nga një person tjtër edhe jo-ortak, I pajisur me prokurë me shkrim, me anën e së cilës mund të ushtrojë të drejtën e votës.

13.3 Ortaku nuk mund të lëshojë prokurë për një pjesë të kuotave të kapitalit që zotëron, në qoftë se voton personalisht për pjesën e mbetur të kuotave.

Neni 14 – Thirja e Asamblesë se Ortakëve

14.1 Asambleja e Ortakëve thirret të paktën një herë në vit, brenda 6 (gjashtë) muajve nga mbyllja e vitit financiar për miratimin e bilancit, të raportit të Administratorit, ekspertit kontabël si dhe inventarit.

14.2 Asambleja mund të thirret ne çdo moment nga një prej Administratorëve ose disa ortakë që përfaqësojnë më shumë se 10% (dhjetë për qind) të kapitalit themeltar.

14.3 Asambleja mund të thirret nëpërmjet telefonit, njoftimit me sms, atij me email apo nëpërmjet njoftimit me letër rekomandë me kthim përgjigjie që duhet t'u dërgohet ortakëve në adresën që rezulton në Librin e Ortakëve dhe ekspertit kontabël (nëse është emëruar), të paktën 7 (shtatë) ditë përpara mbledhjes së Asamblesë. Thirrja duhet të përmbajë informacion mbi llojin e Asamblesë, mbi çështjen që do të trajtohet dhe për të cilat do të merret vendim, mbi vendin, orën dhe datën e thirrjes së parë apo të dytë.

14.4 Asambleja mund të thirret edhe jashtë selisë së Shoqërisë, brenda apo jashtë vendit.

14.5 Mbledhjet e Asamblesë mund të mbahen edhe nëpërmjet telekonferencës dhe videokonferencës, me kusht që të gjithë pjesëmarrësit të mund të identifikohem dhe ti lejohet atyre të ndjekin diskutimin dhe të ndërhyjnë në momentin e trajtimit të argumentave. Pasi të jenë verifikuar këto kërkesa q ëduhet të rezultojnë në procesverbalin e mbledhjes, Asambleja konsiderohet e mbajtur në vendin ku ndodhet kryetari I Asamblesë.

14.6 Asambleja do të thirret dhe mbahet rregullisht dhe pa respektimin e formaliteteve të njoftimit, në rast se janë të pranishëm ortakët që përfaqësojnë të tërë kapitalin themeltar.



14.7 Çdo Asamble drejtohet nga një ortak ose një person tjetër I caktuar nga e njëjta Asamble. Për pasqyrimin e vendimit Asambleja emëron një sekretar, që mund të jetë edhe jo-ortak.

14.8 Vendimet e Asamblesë mund të nënshkruhen nga Kryetari I Asamblesë dhe nga Sekretari.

Neni 15 - Administrimi

15.1 Shoqëria administrohet të paktën nga 1 (një) administrator dhe maksimumi 3 (tre) administrator, të cilët qëndrojnë në detyrë deri në revokimin apo dorehqjen, për një periudhë maksimale prej 5 (pesë) vjetësh.

15.2 Përfaqësimi ligjor I Shoqërisë I besohet Administratorit apo Administratorëve bashkërisht, kur rezulton të jenë emëruar më shumë se një. Administratorët do të ushtrojnë të gjitha kompetencat sipas parashikimeve të nenit 95 të ligjit nr.9901 datë 14.04.2008 (Për Tregtarët dhe Shoqëritë Tregtare)

15.3 Administratorët mund të emërojnë përfaqësues të posaçëm për akte të veçanta ose për kategori aktesh, për aq sa I është lejuar nga ky Statut apo nga akti I emërimit.

Neni 16 - Eksperti kontabël I autorizuar

61.1 Në rast se kërkohet nga ligji apo vendoset nga Asambleja e Ortakëve, kontrolli I bilanceve dhe I Librave kontabël të Shoqërisë mund ti be4sohet një eksperti kontabël të autorizuar.

16.2 Eksperti kontabël I autorizuar mund të shkarkohet sipas mënyrës së parashikuar nga legjislacioni në fuqi.

KAPITULLI IV

VITI FINANCIAR, BILANCI VJETOR, SHPËRNDARJA E FITIMEVE

Neni 17 – Viti financiar dhe bilanci vjetor

17.1 Viti financiar fillon me 1 (një) janar dhe mbaron me 31 (tridhjetë e një) dhjetor të secilit vit.

17.2 Viti I parë financiar fillon në datën e regjistrimit të Shoqërisë në Regjistrin Tregtar dhe përfundon më 31 dhjetor të të njëjtit vit.

17.3 Bilancet vjetore, inventari, raportet e administratorit dhe të ekspertit kontabël të autorizuar (nëse është emëruar) miratohen nga Asambleja me shumicën e përcaktuar sipas ligjit 9901, datë 14.04.20085 “Për Tregtarët dhe Shoqëritë Tregtare”

17.4 Miratimi I dokumentave që lidhen me vitin financiar të bëhet brenda 6 (gjashtë) muajve që nga fundi I vitit financiar.



Neni 18 – Fitimet

18.1 Fitimet që rezultojnë nga bilanci vjetor, duke zbritur 5% (pesë për qind) që caktohen për rezervën ligjore deri në 10% (dhjetë për qind) e kapitalit themeltar, dhe duke zbritur gjithashtu të gjitha shumat që Asambleja vendos ti verë mënjanë, u shpërndahen ortakëve në proporcion me kuotat e kapitalit themeltar të zotëruar.

18.2 Asambleja mund të vendosë edhe zbritje të veçanta në favor të rezervave të jashtëzakonshme ose për qëllime të tjera apo dhe shtyrjen e shpërndarjes së fitimeve, plotësisht ose pjesërisht, për vitet financiare të ardhshme.

KAPITULLI V SHPËRNDARJA DHE LIKUJDIMI I SHOQËRISË

Neni 19 – Prishja

19.1 Shoqëria priset me përfundimin e afatit të parashikuar nga Statuti, ose përpara përfundimit në raste e parashikuara nga ligji, me vendim të Asamblesë së Ortakëve, me shumicën e kërkuar për ndryshimet në statut.

19.2 Shoqëria nuk priset në rast të humbjes së zotësisë për të vepruar, pazotësisë juridike, vdekjes ose falimentimit të ortakëve.

Neni 20 – Likuidimi

20.1 Në rast prishje, Shoqëria duhet të likuidohet.

20.2 Për të administruar këtë procedurë, Asambleja emëron një ose më shumë likuidatorë, të cilët paraqesin raportet përfundimtare mbi gjendjen e aktivitetit dhe pasivitetit të Shoqërisë, mbi operacionet e likuidimit dhe mbi kohën e nevojshme për të përfunduar likuidimin.

20.3 Me përfundimin e procedurës së likuidimit, Asambleja do të vendosë mbi bilancin financiar përfundimtar, mbi punën e kryer nga likuiduesi dhe mbi përfundimin e procesit të likuidimit.

20.4 Pas pagimit të kreditorëve dhe mbledhjes së kredive, likuidatori do t'i shpërndajë të ardhurat përfundimtare të likuidimit ortakëve, në proporcion me kuotat e kapitalit të zotëruara prej tyre në kapitalin themeltar.

Neni 21 – Zgjidhja e mos marrëveshjeve

21.1 Të gjitha mosmarrëveshjet që mund të lindin në lidhje me interpretimin dhe/ose zbatimin e këtij statuti dhe akti të themelimit, si dhe ato që mund të lindin në përgjithësi midis ortakëve



(përveç atyre personale apo jashtë Shoqërisë) ose midis një apo më shumë ortakëve dhe Shoqërisë, do të zgjidhen në mënyrë miqësore dhe do të diskutohen në mënyrë të drejtpërdrejt ndërmjet palëve të interesuara.

12.2 Në rast se nuk arrihet në një zgjidhje miqësore të mosmarrëveshjes, ato do t'i besohen Gjykatës së Rrethit Gjyqësor Tiranë.

Neni 22 – Gjuha

22.1 Ky statut është I përbërë nga 4 (katër) kopje në gjuhën shqipe.

12.2 Të gjitha mosmarrëveshjet që mund të lindin në lidhje me interpretimin dhe/ose zbatimin e këtij statute dhe akti të themelimit, version në gjuhën shqipe do të jetë e vetmja ligjërish e pranueshme.

ORTAKËT

BRUNO MAXHELAKU

